

la teste avec vn visage content pour voir Dieu, mais à l'instant il aura la face couuerte d'affliction, & cognoistra qu'il est dans le comble de tous malheurs; Son ame sera conduite deuant Dieu lors qu'elle se separera de son corps, si elle a abjuré la loy de Dieu, elle ira vers les damnez, vers ceux qui estendent leurs bras par desespoir. On luy dira, Dieu seul à qui tu n'as pas voulu obeir estoit ton Seigneur & ton Protecteur. L'homme pense-t'il estre abandonné, & qu'on ne luy demandera pas compte de ses actions? n'a-t'il pas esté créé de bouë par nostre grace speciale & de sang congelé? Nous l'auons créé male & femelle? celuy qui a fait cela ne peut-il pas ressusciter les morts?

---

*LE CHAPITRE DE L'HOMME,  
contenant trente versets, escrit  
à la Meque.*

**A**V nom de Dieu clement & misericordieux. L'homme a demeuré quelque temps sans auoir en luy aucune chose de memorable. Nous auons créé sa posterité de sa semence meslée avec celle de la femme, nous luy auons donné l'oüie & la veüe, & luy auons enseigné le chemin de salut, les vns ont embrassé la foy, & les autres ont esté des infidelles, nous leur auons préparé des chaisnes & des

liens pour les traifner dedans le feu d'Enfer. Les iu-  
*Voy Ekeeri* ftes beuront del'eau de vigne qui sortira d'vne belle  
 fontaine, tous les feruiteurs de Dieu en beuront, & la  
 feront couler comme bon leur semblera. Dieu dé-  
 liurera des peines de l'Enfer ceux qui fatisferont à  
 leurs vœux, qui apprehenderont le iour du Iuge-  
 ment, qui donneront l'aumosne aux pauures, aux  
 orphelins, & aux prisonniers sans esperance de re-  
 merciement ny de recompense, mais seulement pour  
 l'amour de sa diuine Majesté à cause de l'apprehen-  
 sion qu'ils ont des tourmens du iour rigoureux &  
 fascheux à voir; Dieu les resioüira & les recompen-  
 sera de leurs bonnes œuures, il leur ouurira la porte  
 du Paradis, ils seront vestus de soye, appuyez sur de  
 beaux lits, ils ne seront importunez ny de la chaleur  
 du Soleil, ny de la fraicheur de la Lune, ils seront sous  
 l'ombrage des Arbres du Paradis, ils y cueilleront des  
 fruicts, droits, assis & couchez; On portera à l'entour  
 d'eux des vases d'argent, & des tasses rondes pleines  
 d'vne boisson delicieuse autant qu'ils en voudront  
 boire, meflée avec du Zingembre, qui sortira d'vne  
 claire fontaine, & seront entourez de ieunes pages  
 pour les seruir quisembleront des perles defilées;  
 lors que tu les verras, tu verras vne grace qui ne se  
 peut pas exprimer, ils seront vestus de pourpre, de  
 soye verte esclatante, & auront des bracelets d'ar-  
 gent, Dieu leur donnera vne boisson nette & tres-  
 putifiée, ces delices seront la recompense de leur per-  
 seuerance. Nous t'auons enuoyé l'Alcoran pour en-

Seigner le peuple, attends le Jugement de ton Seigneur contre ceux qui s'en moquent, n'obey pas aux impies; Souviens-toy du nom de Dieu soir & matin, adore-le la nuit, loüé le long-temps, les infidelles ayment le monde, & ne pensent pas à leur fin ny au iour du Jugement, nous les auons créés, nous leur auons donné la force de marcher, & si nous voulons nous establirons d'autres personnes en leur place. Celuy qui voudra suiure la loy de Dieu la futura, mais personne ne la suiura, s'il ne plait à sa diuine Majesté, il sçait tout & est tres-sage, il donne sa grace à qui bon luy semble, & a préparé de rigoureuses peines aux injustes.

---

*LE CHAPITRE DES ENVOYEZ,*  
*contenant cinquante versets,*  
*escriit à la Meque.*

**A**V nom de Dieu clement & misericordieux. Je iure par les Anges qui se suiuent espais comme le crain du rapet des cheuaux lors que Dieu les enuoye pour executer ses commandemens, par les Anges qu'il enuoye pour punir ceux qu'il veut exterminer, par les vents qu'il enuoye pour faire tomber la pluye où bon luy semble, par l'Alcoran qui distingue le bien d'auer le mal, & par les Anges qui inspirent aux hommes la crainte des peines

*& Kirab  
 el tenoir.  
 Voy Ge-  
 laldin.*